

Indicacións Técnicas PDA 2021/22

Estimado/a Director/a de Centro,

Dende o día 8 de febreiro de 2021 ao 26 de febreiro de 2021, estará aberta a aplicación PDA en <http://xescampus.uvigo.es> para a introdución de datos da PDA do/s grao/s do seu centro para o curso 2021/22.

Debe, por tanto, acceder a dita páxina mediante o acceso personalizado. Unha vez no sistema, accédese á devandita aplicación mediante dous enlaces sucesivos chamados 'planificación docente' e 'planificación'.

Unha vez no módulo, atoparase un buscador de plans de estudo. Vostede debe acceder a todos os plans de estudo de Grao vixentes no seu Centro, tal como se establece nos seguintes apartados:

1.-BUSCA DE ESTUDOS

Plan(s) de estudos de Grao:

Debe seleccionar o curso (por defecto 2021/22) e o tipo de estudo (Grao). O máis rápido podería ser introducir os tres primeiros díxitos correspondentes ao seu Centro, na terceira casíña que indica "Buscar por", sabendo que nos graos o dito código empeza por unha letra. No campus de Ourense os códigos empezan por O, no de Pontevedra por P e no de Vigo por V. Tamén pode utilizar o '%' e introducir una cadea de busca. Obviamente, debe facer o mesmo para **todos** os estudos de grao que se impartan no seu Centro. Aqueles cursos dos estudos en proceso de extinción, que xa non teñan dereito a docencia ou a exame, non aparecen na PDA.

2.-EDICION DO PDA.

A.- Obtención do informe previo.

O procedemento mencionado no apartado anterior da acceso para cada titulación a unha páxina na que se listan todas as materias que teñen docencia nesa titulación e cada unha con dous enlaces, PDA e POD (de momento, este último inactivo). Ás veces, pode atopar materias que non pertencen ao plan de estudos, porque constitúen o primario dun grupo de materias. É recomendable obter un informe que se atopa na parte inferior desta páxina, chamado 'informe de PDA', ben en texto ou ben en formato activo excel. Neste último informe, poderá atopar as materias do plan e as súas características de docencia, como por exemplo, o departamento encargado, o posible desagregación por horas e grupos, se se trata dunha materia con docencia ou se esa docencia está agrupada noutra materia primaria, etc.

Para facilitar o traballo mantívose a información correspondente ao curso 2020/21 (departamento, grupos e horas), sen que esta información sexa vinculante. Deberá modificarse obrigatoriamente o número de grupos e/ou horas nos casos nos que a

porcentaxe de "Horas Presenciais" supere o 100% das horas como no exemplo da figura 1:



Figura 1.

Cómpre indicar que xescampus.uvigo.es utiliza como separador decimal o punto en vez da máis habitual coma. Pode que a mellor opción para manexar o documento excel sexa substituír todos os puntos do documento por comas. Este informe leva incorporadas as fórmulas precisas para o cálculo dos parámetros de estudo da titulación cara á súa aprobación pola COAP; é dicir, a porcentaxe de horas presenciais, o tamaño medio de grupo (TMG), o número de ECTS matriculados expresados en horas (H.MATRIC) e o global de horas a impartir (H.IMPART).

B.- Edición do PDA de Materias de Grao.

Lembre unha vez máis que nos cursos xa implantados a Xunta de Centro **pode modificar o departamento encargado, as horas e os grupos de docencia**. No caso do curso a implantar deberá, en primeiro lugar, designar o/s departamento/s encargado/s da docencia e, a continuación, as horas e grupos a impartir.

Unha vez dispoña dunha simulación válida para a titulación, deberá utilizar o enlace que atopará á beira de cada materia chamado PDA, e incluír as horas e os grupos de docencia, se non coinciden cos do ano anterior. Cando faga isto, o número que atopa baixo o epígrafe 'Horas Impartir' da figura anterior vai incorporando os novos datos do PDA, de xeito que ao final baixo o epígrafe 'Diferenza' estarán aquelas que o centro non utiliza para a elaboración da PDA.

Na figura 2 pódese comprobar que o Centro do exemplo decidiu utilizar o 77,05% das horas, en concreto 1874,00 horas, polo que a diferenza é de 558,25 horas. Os valores antes en vermello son agora de cor verde.

Aprobación do PDA

Neste apartado se mostran os datos necesarios para a aprobación da PDA.

Datos actuais do estudo

| TMG | Horas Matriculadas | Horas Impartir |
|-------|--------------------|----------------|
| 45,43 | 85.128,75 | 1.874,00 |

Datos obxectivo do estudo

| TMG Obxectivo | Diferenza | % Horas Presenciales |
|---------------|-----------|----------------------|
| 35,00 | 558,25 | 77,05 % |

Figura 2.

Unha vez aprobado pola Xunta de Centro, ata o 26 de febreiro de 2021, **será preciso pechar a aplicación premendo o botón correspondente ('Aprobación PDA')** que atopará na parte superior da aplicación. A partir deste momento non se poderán facer mais modificacións, agás que se abra un novo período para facer os cambios que indique a Vicerreitoría ou solicite a COAP. A 'Aprobación PDA' afecta a todas as titulacións do Centro, así que debe facer isto ao rematar o PDA de **todas** as titulacións de grao que se impartan no Centro

Para calquera dúbida ao respecto pode dirixirse ao director de área de grao, Alfonso Lago no enderezo direc.grao@uvigo.es ou ben no teléfono (986) 812039.

Vigo, 8 de febreiro de 2021